



JU UNIVERZITET U ZENICI

**POSLOVNIK O RADU
FORUMA STAKEHOLDERA UNIVERZITETA U ZENICI**

Zenica, decembar 2011. godine

Na osnovu člana 45., 105. i 332. Statuta Univerziteta u Zenici Forum stakeholdera Univerziteta u Zenici na svojoj 01. sjednici, održanoj 27.12.2011. godine, donio je

POSLOVNIK O RADU FORUMA STAKEHOLDERA UNIVERZITETA U ZENICI

POGLAVLJE I. OPŠTE ODREDBE

Član 1. (Poslovnik)

Poslovníkom o radu Foruma stakeholdera Univerziteta u Zenici (u daljnjem tekstu: Forum) reguliše se način rada, prava i dužnosti članova Foruma, kao i druga pitanja značajna za rad Foruma.

Član 2. (Forum)

Forum je savjetodavno tijelo Univerziteta u Zenici, putem kojeg se osigurava dosljedna primjena propisa iz oblasti visokog obrazovanja Bosne i Hercegovine, Federacije Bosne i Hercegovine, Zeničko-dobojskog kantona i Univerziteta u Zenici za osiguranje kvaliteta, kao i uspostavljanje kvalitetnijeg funkcionisanja Univerziteta u Zenici u poslovnom okruženju, u smislu davanja odgovarajućih preporuka i informacija menadžerima i zaposlenicima Univerziteta u Zenici.

Član 3. (Sastav Foruma)

- (1) Forum stakeholdera čine eksterni i interni predstavnici.
- (2) Eksterni predstavnici Foruma su:
 - a) Predstavnici poslovnog okruženja (preduzetnici, menadžeri ili drugi zaposlenici u poslovnim sistemima i malim i srednjim preduzećima) – 6 predstavnika;
 - b) Predstavnici resornog ministarstva, vladinih i nevladinih agencija od posebnog interesa za rad Univerziteta – 4 predstavnika;
 - c) Predstavnici osnovnog i srednjeg obrazovanja te partnerskih univerziteta – 4 člana;
 - d) Predstavnici interesnih agencija, nevladinih organizacija, udruženja, biroa za zapošljavanje i sl. – 4 člana;
 - e) Predstavnici alumnija – završenika I (prvog), II (drugog) i III (trećeg) ciklusa studija na Univerzitetu u Zenici – 2 člana;
 - f) Predstavnici roditelja studenata – 2 člana;
- (3) Interni predstavnici Foruma su:
 - a) Predstavnici studenata I (prvog), II (drugog) i III (trećeg) ciklusa studija na Univerzitetu u Zenici - 3 člana;
 - b) Predstavnici menadžmenta Univerziteta u Zenici – 5 članova (prorektor za međunarodnu saradnju i osiguranje kvaliteta, prorektor za nastavu i studentska pitanja, prorektor za naučnoistraživački rad, prorektor za finansije i razvoj, QA menadžer Univerziteta u Zenici);
 - c) Jedno lice iz reda diplomiranih pravnika zaposlenih na Univerzitetu u Zenici, sekretar Foruma.

Član 4. (Način imenovanja članova Foruma)

- (1) Članove Foruma iz reda eksternih predstavnika imenuje Senat Univerziteta u Zenici na prijedlog Rektora.
- (2) Članove Foruma iz reda studenata imenuje Senat Univerziteta u Zenici na prijedlog Unije studenata.
- (3) Članovi Foruma iz reda menadžmenta Univerziteta u Zenici su članovi Foruma po funkciji koju obavljaju.

Član 5.

(Mandatni period)

Izbor i imenovanje članova Foruma iz stava (2) tačke a), b), c), d) i e) člana 3. ovog Poslovnika vrši se na period od 4 (četiri) godine, a izbor i imenovanje članova Foruma iz stava (2) tačke f) i stava (3) tačka a) istog člana vrši se na period od 1 (jedne) godine.

POGLAVLJE II. PRAVA I DUŽNOSTI

Član 6.

(Prava i dužnosti članova Foruma)

(1) Članovima Foruma dostupni su službeni materijali, dokumenti i podaci, koji se pripremaju ili prikupljaju u službama Rektorata Univerziteta, a o kojima se diskutuje na sjednicama Foruma.

(2) Članovi Foruma dužni su sve dobijene spise i podatke, koji su prema zakonskim odredbama tajni, čuvati u tajnosti i zato su odgovorni prema Zakonu.

(3) Članovi Foruma imaju prava i dužnosti;

a) prisustvovati na sjednicama Foruma i na njima raspravljati i glasati;

b) podnositi prijedloge i postavljati pitanja;

c) te učestvovati u radu Foruma.

Član 7.

(Druga lica)

U radu Foruma po pozivu učestvuju i druga lica: rektor, predstavnici organizacionih jedinica i stručni saradnici.

Član 8.

(Poslovi i zadaci)

Forum obavlja poslove i zadatke iz svog domena utvrđenog Zakonom, a sugestije, preporuke, zaključci, informacije, uputstva, instrukcije se donose samo na sjednici, na način i po postupku utvrđenim ovim Poslovníkom.

Član 9.

(Djelokrug rada Foruma)

Forum ima savjetodavnu funkciju u sljedećim oblastima:

- a) kvalitet nastavnog i naučnoistraživačkog procesa;
- b) struktura nastavnog plana i programa;
- c) otvaranje novih studijskih programa;
- d) kvalitet izlaznih znanja završenika prvog, drugog i trećeg ciklusa;
- e) organizacija alumnija;
- f) izvođenje internih i eksternih evaluacija;
- g) planovi razvoja Univerziteta u Zenici;
- h) nezavisno ukazivanje na dobre i loše strane rada Univerziteta u Zenici;
- i) prilike i opasnosti - SWOT (Strengths, Weaknesses, Opportunities, Threats);
- j) studentski standard;
- k) organizovanje studentske prakse;
- l) jačanje saradnje sa poslovnim okruženjem,
- m) transformacija Univerziteta od predavačkog ka preduzetničkom;
- n) drugim oblastima od interesa za rad i razvoj Univerziteta definisanim u Strateškim odrednicama Univerziteta u Zenici.

POGLAVLJE III. NAČIN RADA

Član 10.

(Održavanje sjednica Foruma)

- (1) Forum obavlja poslove iz svog djelokruga na sjednicama, koje se održavaju po potrebi.
- (2) Na početku kalendarske godine Forum utvrđuje okvirni raspored održavanja svojih sjednica.

Član 11.

(Vrste sjednica Foruma)

- (1) Sjednice Foruma mogu biti redovne i vanredne.
- (2) Redovne sjednice se održavaju radi raspravljanja o pitanjima za koja je Foruma nadležan, u periodu koji je utvrđen za održavanje sjednica.
- (3) Vanredne sjednice se održavaju ako se ukaže potreba rješavanja pitanja koja se zbog svoje važnosti ne mogu odložiti za period predviđen za održavanje redovnih sjednica.
- (4) Izuzetno, sjednice Foruma mogu se održavati i elektronskim putem.

Član 12.

(Predsjedavajući Foruma)

- (1) Predsjedavajući Foruma je prorektor za međunarodnu saradnju i osiguranje kvaliteta Univerziteta u Zenici.
- (2) Sjednicu Foruma priprema i saziva predsjedavajući u saradnji s menadžerom za kvalitet Univerziteta u Zenici i sekretarom Foruma.
- (3) Predsjedavajući je dužan sazvati sjednicu Foruma kada to, u pismenoj formi, zahtijeva najmanje polovina članova Foruma.
- (4) U slučaju opravdanog odsustva predsjedavajućeg Foruma, sjednicom predsjedava menadžer za osiguranje kvaliteta Univerziteta u Zenici.
- (5) Red na sjednicama osigurava predsjedavajući Foruma.
- (6) Upotreba mobitela u radnom dijelu sjednice Foruma nije dozvoljena.

Član 13.

(Način donošenja akata Foruma)

- (1) Forum donosi preporuke, zaključke, informacije, uputstva, instrukcije većinom glasova od ukupnog broja svojih članova prisutnih na sjednicama.
- (2) Forum donosi preporuke, zaključke, informacije, uputstva, instrukcije javnim glasanjem.

Član 14.

(Rad na sjednicama Foruma)

- (1) Poziv za sjednicu dostavlja se članovima Foruma u pisanoj formi s dnevnim redom i materijalom za sjednicu Foruma najkasnije 7 (sedam) dana prije održavanja sjednice.
- (2) Sjednica Foruma može početi s radom ako sjednici prisustvuje najmanje jedna trećina članova Foruma.
- (3) Prije početka rada sjednice Foruma po predloženom dnevnom redu verificira se zapisnik sa prethodne sjednice.
- (4) Forum se izjašnjava većinom glasova od ukupnog broja prisutnih članova o uvrštavanju prijedloga za dopunu ili izmjenu dnevnog reda.
- (5) Konačni prijedlog dnevnog reda usvaja se većinom glasova od ukupnog broja prisutnih članova Foruma.

Član 15.

(Dnevni red sjednica Foruma)

- (1) Na početku sjednice predsjedavajući Foruma daje potrebna objašnjenja u vezi s tačkama dnevnog reda.

(2) Nakon utvrđenog dnevnog reda počinje rasprava o pojedinim temama dnevnog reda i to redosljedom koji je utvrđen u dnevnom redu.

(3) Kada se iscrpe sve tačke dnevnog reda, predsjedavajući zaključuje sjednicu.

Član 16.

(Glasanje na sjednicama Foruma)

(1) Glasanje na sjednicama Foruma je javno.

(2) Glasanje se provodi dizanjem ruke, tako da predsjedavajući poziva članove Foruma da se izjasne ko je „za“, zatim ko je „protiv“, te ko je „suzdržan“ od glasanja.

(3) Nakon glasanja predsjedavajući utvrđuje je li pojedina preporuka, zaključak, informacija, uputstvo, instrukcija dobila većinu glasova i objavljuje rezultat glasanja.

Član 17.

(Zapisnik)

(1) O radu sjednice vodi se zapisnik.

(2) Zapisnik sadrži:

a) redni broj sjednice, datum, mjesto i vrijeme održavanja sjednice;

b) ime i prezime prisutnih i odsutnih članova Foruma i drugih učesnika sjednice;

c) dnevni red;

d) kratak opis (suštinu izlaganja učesnika);

e) formulaciju preporuka, zaključaka, informacija, uputstava, instrukcija;

f) broj glasova;

g) potpise predsjedavajućeg i zapisničara.

(3) Original zapisnika i CD audiosnimak sjednice se pohranjuju i čuvaju u arhivu Univerziteta.

Član 18.

(Primjedbe na zapisnik)

(1) Svaki član Foruma ima pravo na početku sjednice iznijeti primjedbe na zapisnik sa prethodne sjednice.

(2) O osnovanosti primjedbe na zapisnik odlučuje se na sjednici.

(3) Ako se primjedba prihvati, u zapisniku će se obaviti odgovarajuća izmjena.

(4) Zapisnik na koji nisu iznesene primjedbe, odnosno zapisnik u kojem su saglasno s prihvaćenim primjedbama obavljene izmjene, smatra se usvojenim po izjašnjanju članova Foruma o istom.

Član 19.

(Pojedinačni akti)

Pojedinačni akti usvojeni na sjednici Foruma donose se u formi sugestija, zaključaka, uputstava, instrukcija, informacija, a iste potpisuje predsjedavajući Foruma Univerziteta.

POGLAVLJE IV. PRIJELAZNE I ZAVRŠNE ODREDBE

Član 20.

(Stupanje na snagu)

(1) Poslovnik stupa na snagu narednog dana nakon usvajanja.

(2) Izmjene i dopune Poslovnika vršit će se na isti način na koji je donesen.

Zenica, 27.12.2011. godine

PREDSJEDAVAJUĆI FORUMA

Broj: 01-111-420-4043/11.

